
- 1★ شدید ترموسمی حالات مانہہ مُلک غی راکھی کرن آلا فوجی جواناں غی صدرِ جمہوریہ درپدی مُرمو نے تعریف کی ہے۔
- 2★ سائنسی تے صنعتی تحقیق غی کو نسل گا یوم تاسیس ور نائب صدرِ جمہوریہ جگدیپ دھنکڑ نے بھارتی سائنسی ترقی نانہہ سراپیو ہے۔
- 3★ ضلع اُدھم پور مانہہ چناوی ریلی نال خطاب مانہہ وزیر داخلہ امت شاہ نے کہیو جے دہشت گردی نانہہ دفنا دتو گیو ہے تے دوبا رہ دہشت گردی نانہہ پیر نہیں جمان دتا جا ئیں گا۔
- 4★ تے دواسازی محکمہ غا سیکریٹری ارنیش چاولہ نے کہیو ہے جے میک ان انڈیا نے مُلک نانہہ بکھ بکھ چیز تیار کرن مانہہ سُپرپا ور بنان مانہہ مدد کی ہے۔

Prez Siachen Glaciers Visit

صدرِ جمہوریہ درپدی مُرمو نے اج سیا چن گلیشئر مانہہ تعینات فوجی جواناں تے افسراں نال لداخ مانہہ سیاچن بیس کیمپ گا دورہ غے دوران ملاقات کی ہے۔ اُت اپنا خطاب مانہہ صدرِ جمہوریہ نے سخت ترین موسمی حالات مانہہ مُلک غی راکھی کرن آلا فوجی جواناں غی تعریف کی تے فوجی جواناں گا افراد کُنباں غو شکریا غو اظہار کیو۔ صدر نے سیاچن بیس شہیدی یا دگا ر ور مُلک غی راکھی کرتاں واں شہید بوا جواناں نانہہ خراج عقیدت پیش کیو۔ سابق صدرِ جمہوریہ اے پی جے عبدالکلام تے سابق صدر رام ناتھ کویند تیں بعد درپدی مُرمو تیجی صدر ہیں جنہاں نے سیا چن گلیشئر غو دورو کیو ہے۔ واضع رہ جے سیاچن گلیشئر کوہ کاراکو رکرمانہہ واقع ہے تے دُنیا غو سب تیں بلندی واقع ملیٹری خطہ ہے۔ جس ور بھارتی فوج اوپریشن میگھ دوٹ غے تحت اپریل 1984 تیں حفاظت کر رہی ہے۔

Vice Prez CSIR

نائب صدر جگدیپ دھنکڑ نے کہیو کہ بھارت سائنس مانہہ اپنی ماضی غی شان نانہہ دوبا رہ حاصل کرن غی راہ ور ہے۔ نوی دہلی مانہہ 83 ویں سی ایس آئی آر یوم تاسیس گا موقعہ ور مہمان خصوصی غی حثیت تیں خطاب کرتاں واں اُنہاں نے اس گل ور روشنی کھلی کہ کس طرح بھارت ماضی مانہہ عظیم سائنسی علم رکھے تھو تے اُنہاں نے یوہ وی واضع کیو کہ حالیہ بہراں مانہہ سائنس برادری نے زیادہ پشان حاصل کی ہے۔ وزیر اعظم نریندر مو دی نے سائنس واسطے ڈونگی حمایت ظاہر کی ہے۔ جناب دھنکڑ نے اک ایسا ماحولیاتی نظام غی تخلیق غی تعریف کی ہے۔ جہیڑی سائنسداناں نانہہ مُلک غی ترقی واسطے اپنی صلاحیتاں نانہہ پوری طرح تیں استعمال کرن غی اجازت دے۔ اُنہاں نے اک ترقی پذیر قوم غی بنیا د نانہہ مضبوط کرن واسطے سی ایس آئی آر غی ستائش کی۔ اس

موقعہ و ر اُنہاں نے سی ایس آئی آر موضوعاتی نمائش 2024 غو افتتاح کیو تے این اے
ایس سی مانہہ اپنی آنجہانی والدہ کیسری دیوی غا اعزاز مانہہ اک بوٹو لایو۔

SMVD Polling

اسمبلی چناؤ 2024 غا دوجا مرحلہ غے تحت شری ماتا ویشنو دیوی اسمبلی حلقہ مانہہ
ووٹ پان غی سب تیں متی شرح 80 فیصد رہی جس نال ضلعو ریا سی جموں کشمیر
مانہہ سب تیں زیا دہ ووٹینگ آلو ضلعو ہے۔ جت 74 عشاریہ 70 فیصدی لوکاں نے اپنا ووٹ
پان گا حق گو استعمال کیو ہے۔ آکاشوانی نامہ نگا ر دویندر ٹھاکر غے مطابق ضلع چناؤ افسر
وشیش مہاجن نے چناوی و عمل مانہہ لگا وا اسسٹنٹ کلرک تیں لے غے اعلیٰ افسراں
تک غو شکریو ادا کیو۔ جن نے چناؤ عمل نانہہ اہسن طریقہ نال کران مانہہ کردار ادا کیو۔
چناؤ افسر نے ووٹراں غو شکریو ادا کیو جنہاں نے اتنی متی تعداد مانہہ اپنا حق رائے
دیہی غو استعمال کیو۔ ضلع چناؤ افسر غی قیا دت مانہہ ضلع ریا سی مانہہ سوپ
پروگرام غے تحت دور دراز تے پسماندہ علاقان مانہہ وی شہریاں نانہہ ووٹ پان غی اہمیت
با رے بیدار کیو گیو تھو۔

Migrant Polling

وسطی کشمیر غا 3 ضلعان ور مشتمل 15 اسمبلی حلقان واسطے گذشتہ روز پایا گیا دوجا
مرحلہ گا اسمبلی چناؤ مانہہ ما ٹگرینٹ کشمیری پنڈتاں غی ووٹ پان غی شرح مجموعی
طور و ر 40 فیصد رہی ہے۔ راحت تے باز آبا دکاری گا کمشنر ما ٹگرینٹ ڈاکٹر ارویند کروانی
جھیڑا ما ٹگرینٹان غا ریٹر ننگ افسر وی بین نے دسیو جے جموں مانہہ 19، اُدھم پو ر
مانہہ 1 تے دہلی مانہہ 4 پولینگ مرکز ما ٹگرینٹان واسطے قائم کیا گیا تھا۔ جت جموں مانہہ
ووٹ پان غی شرح 40 فیصد، دہلی این سی آر مانہہ 43 فیصدی جد کہ اُدھم پو ر مانہہ
ووٹ پان غی شرح 37 فیصدی رہی ہے۔ یاد رہ جے وسطی کشمیر غا ضلع گاندربل، سرینگر
تے بڈگام غا 15 ہزار 5 سو ما ٹگرینٹ ووٹر بین جن وچوں 5 ہزار 8 سو 55 ووٹراں نے اپنا حق
رائے دیہی غو استعمال کیو ہے تے سب تیں زیا دہ حہ کدل اسمبلی غا ما ٹگرینٹ ووٹراں
نے چناوی مرحلہ غے دوران ووٹ پایا۔

SVEEP Udhampur

اسمبلی چناؤ 2024 مانہہ متی تعداد مانہہ ووٹراں نانہہ ووٹ کھلن واسطے تیار تے بیداری
کرن غی خاطر ضلع چناؤ افسر اُدھم پو ر سلونی رائے غی ہدایت ور ضلع مانہہ بکھ بکھ
جگہیں سوپ پروگرام غے تحت ان تہاڑیں بیداری پروگرام جاری ہیں۔ اس سلسلہ مانہہ
گراں سوئی مانہہ اک ترقیب غو اہتمام کیو گیو۔ جس مانہہ طالب علماں، مقامی لوکاں تے
پہلی وری ووٹ پان آلا شہریاں نے شرکت کی۔ یاہ تقریب سوپ نوڈل افسر اُدھم پو ر ویسٹ
پروفیسر راجیش گو رکھا غی دیکھ ریکھ مانہہ منعقد ہوئی۔

Sandhiya SVEEP Jammu

جموں کشمیر اسمبلی انتخابات مانہہ ووٹینگ گا با را مانہہ بیداری پیدا کن واسطے کل شام بابو پلازہ مانہہ اک سویپ سندھیا ریلی کڈھی گئی۔ اس تقریب غی قیا دت ضلع چناؤ افسر سچن کمار ویشے نے کی۔ انتخابی نوڈل افسر جسراں کہ اے ڈی سی شیر سنگھ تے اے ڈی سی ڈاکٹر وکاس شرما غے نال اپنی تقریر مانہہ ڈی ای او نے سب نانہہ خاص طور ر ور پہلی بار ووٹ دین آلاں نانہہ انتخابات مانہہ بڑی تعداد مانہہ حصو لین غی ترغیب دتی۔ انہاں نے زور دے غے کہیو کہ مضبوط جمہو ریت واسطے ووٹینگ اہم ہے۔ تقریر توں بعد بابو پلازہ تیں زوراور سنگھ چوک تک ریلی کڈھی گئی۔ جس مانہہ ضلع افسراں نے لوکاں نانہہ ترغیب دتی جے وے متی تعداد مانہہ ووٹ پا ویں۔ ووٹر بیداری نانہہ فروغ دین واسطے جاری مہم گا اک حصہ غے طور ر ور اس تقریب مانہہ خاص طور ر ور نوجواناں غی پُر جوش شرکت دیکھی گئی۔

Shah Rally

ضلع اُدھم پور گا چینی حلقہ مانہہ چناوی ریلی سنگ خطاب کرتاں واں وزیر داخلہ امت شاہ نے کہیو ہے جے دہشت گردی دفن کر دتی گئی ہے۔ اس نانہہ دوبارہ پیر نہیں جمان دتو جائے گو۔ انہاں نے کہیو ہے بی جے پی غا اقتدار مانہہ خطہ مانہہ دہشت گردی نہیں رہے گی۔ تے جموں کشمیر یوٹی مانہہ دفعہ 370 غے بغیر اسمبلی چناؤ بو رپیا ہیں۔ نریندرمو دی غی قیا دت آلی سرکار نے اگست 2019 مانہہ دفعہ 370 نانہہ بٹا غے پارٹی غا سرپرست شیامہ پر ساد مکھرجی غی خواہاں نانہہ پورو کیو ہے۔ وزیر داخلہ نے مزید کہیو ہے جے جہیزو جموں کشمیر مانہہ دہشت گردی پھیلا وے گو اُس نانہہ جواب دتو جائے گو۔ وزیر داخلہ نے اج جن 5 انتخابی ریلیاں سنگ خطاب کرنو ہے اُن مانہہ ضلع جموں، کٹھوعہ تے اُدھم پور مانہہ ریلی شامل ہیں۔

Annual Pharma Summit

دواسازی محکمہ گا سیکریٹری ارونیش چاولہ نے اج کہیو ہے کہ بھارت غی میڈی ٹیک تے دواسازی غی صنعت بُن مُلک گی برآمدات مانہہ برا حصہ دار ہیں۔ نوی دہلی مانہہ سالانہ فارمہ سمٹ 2024 تیں خطاب کرتاں واں جناب چاولہ نے ذکر کیو کہ یاہ صنعت بھارت تیں سامان غی چوٹی تیں سب تیں بڑی برآمد ہے۔ انہاں نے یوہ وی کہیو کہ مُلک مانہہ پیدا بون آلی 50 فیصد تیں متی دوائی تے دواسازی گذشتہ سال برآمد کی گئی تھیں تے یوہ شعبو بھارت واسطے بہت زیادہ امکانات دس رپو ہے۔ میڈیا نال گل کرتاں واں جناب چاولہ نے وضاحت کی جے میک ان انڈیا پہل نے بھارت نانہہ مینی فیکچرینگ سپر پاور بنن مانہہ مدد کی ہے تے میڈی ٹیک، دواسازی صنعت نے اس مانہہ اپنو بہت بڑو حصو ادا کیو ہے۔

CDSCO Drugs

مرکزی ادویات گامعیار کنٹرول بارے تنظیم نے اپنی ہالیہ ماہانہ رپورٹ مانہہ 50 تیں متی ادویات نانہہ اچھو قرار نہیں دتو ہے۔ اس تیں ان ادویات گامبارا مانہہ خدشات پیدا ویں تے متاثر کرن آلی گجھ ادویات مانہہ۔ پیرا سیٹا مول، ویتا من بی کمپلیکس، کلشیم تے ویٹامن ڈی 3 شامل ہیں۔

India Embassy Advisory

بثروت مانہہ بھارتی سفارت خانہ نے ہدایت جاری کی ہے جے حزب اللہ تے عزرائیل بشکار کشیدگی غے پیش نظر لبنان غو سفر کرن تیں پرہیز کریں تے اگر کوئی اُت ہے تاں وہ لبنان چھوڑ دئیے۔ سفارت خانہ نے مغربی ایشیائی ملکاں غو سفر کرن غے خلاف وی متنبع کیو ہے۔ جھپڑا لوگ کسے وجہ نال اُت ہیں۔ اُنہاں نانہہ نصیحت کی گئی ہے جے وے بثروت مانہہ بھارتی سفارت خانہ نال رابطو رکھیں نالے نقل و حرکت نالکل کھٹ کر رکھیں۔ یا درہ جے حال ہی مانہہ عزرائیل نے لبنان ور ہوائی حملو کر غے 5 سو 58 افراد ہلاک کر دتا ہیں جن مانہہ 50 بچہ وی شامل ہیں جد کہ اس حملہ مانہہ 1 ہزار 8 سو 35 افراد زخمی ہوا ہیں۔ حزب اللہ نے جوابی حملو کرتاں واں عزرائیل ور راکٹ اٹیک کیا ہیں۔

Pradhan Unemployment

مرکزی وزیر دھرمیندر پردھان نے حزب اختلاف غی اقتدار آلی ریاستاں مانہہ بے روزگاری غی شرح مانہہ اضافہ ور ان ریاستاں غی سرکاراں غی مزمت کی ہے۔ پریڈ لیبر فورس سروے 24/2023 گا اعدادو شمار گو حوالو دیتاں واں اُنہاں نے دسیو جے کیمل مانہہ 15 سال تیں 29 بہراں توڑی گی عمر غا نوجواناں مانہہ بے روزگاری غی شرح 29.9 فیصدی ہے۔ وزیر نے مزید دسیو جے بی جے پی غی قیادت آلی ریاستاں مدھیہ پردیش تے گجرات نے نوجواناں غی شرح بے روزگاری قابو مانہہ رکھی وی ہے جد کہ مخالف پارٹیاں غی قیادت آلی ریاستاں مانہہ بے انتظامی تے بد عنوانی غی وجہ نال بے روزگاری ہے۔

Kumarswamy EPMKN

سٹیل تے پہاری صنعتاں گا وزیر ایچ ڈی کمار سوامی نے ایک پیڑ ماں کے نام مہم غا حصہ غے طور ور اچ دہلی مانہہ اک بوٹو لایو۔ میڈیا نال گل کرتاں واں اُنہاں نے ذکر کیو کہ حکومت ان علاقان غے اردگرد بریالی نانہہ فروغ دے رہی ہے۔ اُنہاں نے یوہ وی کہیو کہ یاہ کوشش پیرس معاہدہ غا اہداف نانہہ پورو کرن تے 2030 توڑی صفر اخراج توڑی پُجن مانہہ بھارت غی مدد کرے گی۔
